

樂陵縣鄉土志



樂陵縣鄉土志卷之四

人類

匪我族類其心必異左氏所言區分人類黃帝以來種類甚繁唐虞迄漢夷狄歸藩魏晉而降五胡闖入隋唐迭嬗回番同處歷宋金元漢族稍替以後蔓延品類不一有明代興收服滇南大食諸國俱來叩關我

朝定鼎滿蒙一氣雍乾而後準回無力蠢茲苗民獯豸懷德畏威不煩捷伐若茲樂陵自漢置縣凡諸儔類漢族大半風俗相沿太古未變道一風同不分畛域爰展譜牒以志人類

回 番 畬 裸 苗 獯 種 豸 獠

樂陵縣鄉土志

卷四

六十六

狼 四 狝 打牲 貂 黎 土司 皆無

按聖人在上一視同仁凡隸宇下莫非同氣乃自海禁大開黃鬚藍睛之輩接踵而來苟不顯為區別則彼或服中國之服冠中國之冠散居錯處將有混淆不可辨者此保種之說所由作歟



樂陵縣鄉土志卷之四

戶口

爰稽樂邑昔置為郡歷宋金元始析為縣載籍無聞時有聚散戶口多寡難憑臆斷有明洪武析為五鄉五十六圖休息長養當時民數千有餘戶靖難一舉咸離樂土永樂之初始多僑寓相沿至今五萬餘戶一百八約星羅棋布三百餘村生齒日庶近因地狹炊烟稠密或出境外各謀生計京津遼瀋或留厥迹其餘小康或耕或讀茲考里書以志戶口

旗戶

無

樂陵縣鄉土志 卷四

六十七

漢戶

五萬三千五百九十戶

男大九萬四千九百三十二丁

男小四萬七千九百三十六丁

女大八萬三千四百三十五口

女小三萬九千一百九十七口

按書云民為邦本本賴以固凡天地之消長盈虧之故聖人之盛德大業皆以生生不已者經緯萬端而已我

朝曠典原額編入地畝續生永不加賦斯真堯舜三代休養生息之仁政也

樂陵縣鄉土志卷之四

氏族

聞之晉室六卿鄭國七穆胙土命氏古惟世祿若茲樂陵自漢封侯北齊斛律節義千秋歷至元明每多望族清河平臺世延華胄建逢我

朝生息教養凡諸故家簪纓不爽喬木世澤屈指可數爰稽籍版以志氏族

潘氏 自明初由直隸靜海縣遷居本境至今傳十七世

明萬曆舉人潘可久族

張氏 自前明永樂由直隸玉田縣遷居本境至今傳二十一

世 明河南巡撫張潑族

樂陵縣鄉土志 卷四

史氏 自元季由江南溧陽縣遷居本境至今傳二十三世

明父

子三進士史邦直史高先史高印族

宋氏 自前明永樂由直隸靜海縣遷居本境至今傳十九世

明大司馬宋鑾族

王氏 自前明永樂由直隸遷安縣遷居本境至今傳二十世

河南按察使王榮第族

賈氏 武威姬姓前明永樂由直隸天津府遷居本境至今傳

十八世 浙江溫處兵備道賈聲槐族

鄭氏 自前明永樂由浙江鄞縣遷居本境至今傳十九世

相封魏郡王諡忠武鄭清之 齊明寓賢鄭似愚族

杜氏 自前明永樂由曲阜縣遷居本境至今傳十五世康熙庚辰

進士杜能忠族

禹氏 自前明永樂由河南永城縣遷居本境之楊安鎮至今

傳十八世道光乙巳進士禹建鈞族

李氏 自前明永樂由山西朔州馬邑鄉遷居本境至今傳十

九世直隸候補知縣李熙載族

以上數姓散居村落非一約計各數百家

樂陵縣鄉土志卷之四

宗教

古無所謂宗教也自釋道之途分而教一變自景回之門判而教又一變釋教始於釋迦牟尼其後衍為喇嘛紅黃二派盛行於西藏徧及於蒙古道教原於李聃其後流為懺悔齋諸術二教遂分自老氏出函關傳浮屠法於天竺國佛氏修而昌明之一而二實二而一也回教宗可蘭經勢力盛於西北景教則發源佛氏實本於墨子要以舍己救人為宗旨乃天主耶穌判而教一分新舊兩教出而教又一分漸至相爭殺人數十萬果合於耶穌之宗旨否耶樂邑士宗孔孟人尚節義釋道兩教不

過占闔邑之一小部位近年海禁大開傳道者眾天主耶穌二教駁駁乎有日盛之勢然烏足為吾教之累乎志宗教

三間堂耶穌教堂一處奉教者六十四人

朱家寨耶穌教堂一處奉教者九十六人

吳北斗莊天主教堂一處奉教者一百五十四人

回教 喇嘛 黃教 紅教 皆無

按中國由堯舜以來同此一道即同此一教至孔子修而昌明之於是三綱五常昭然如日月之麗天乃天主耶穌教術紛歧有心世道者且隱然憂之不知倫藝之則天性同具彼能誘我而入彼我亦何難化彼而就我苟昌明孔教經正民興吾教將

徧行於全球何景教之足云

樂陵縣鄉土志

卷四

七十一

樂陵縣鄉土志卷之四

實業

昔管子治齊四民分居蓋世業相安士之子恒士農之子恒農也今我

國家振興實業參以古今中外之法內設專部外置分道開學堂以淪其智通鐵路以利其用庶幾士崇實學農獲厚利工商諸業俱以博覽賽會而益精以視古昔其發達為何如耶志實業

士 共計二千八百五十四人

農 共計十二萬三千六百八十人

工 共計二千二百二十二人

商 共計五千零二十四人

按春秋管子戰國李悝諸人俱以講求實業致富強今萬國交通爭相比賽若仍頑固不化拘守成法則抵制無術恐為印度朝鮮之續矣幸

國家竭力振興飭建實業學堂習藝分初等中等諸級以次遞升庶幾自強之機歟



